



HUNGARIE LOCA PRECIPVA RECENS EMENDATA, ATQVE EDITA PER IOANNEM SAMBUCVM PANNONIVM. IMP. M. HISTORICVM. ANNO DOMINI 1592.



tubarum clangore vnus circulus alteri cuiusque rei certa signa dabat. hos postmodū Carolus Magnus octenni bello domuit ac vastauit. Refert Volat. villis ac vicis regio nem abundare stramineis, quas sæpe reficiant ad subitam inimicorum incursionem, vel alia leui de cauda flagrant. Hominum robore, pecudum & armentorū fecunditate, soli vberitate, metallorum copia, nulli orbis parti postponenda regio, omnibusq; cœli benignitate & clementia, ac loci amenitate, situsq; pulchritudine, suo iure anteferenda. Ager rerum omnium copia ac fertilitate felix. Gemmas, aurum, argentum, colores, sal, fodientibus abundè largitur. Pabuli, frumenti, leguminū ac fructuum nusquam abundantia maior. Vinum gignit generosissimū tractus Danubianus à Quinque Ecclesiensi agro Taurunum seu Belgradum vsque. Flumina nonnulla optima auri ramenta ferunt. Amnes penè omnes piscosissimi sunt. Olea autè rara aut nulla est. Fluuij in hoc tractu nobiliores sunt, Danubius, Sauus, Drauus, Satiaria, Corcora, Arabo, Tybiscus, Marus siue Narisius, Cusus, Alutius, Bacuntius, Valdamus, præter hos & alij sunt fluuij ignobiliores. Lacus & Insulæ, thermæ item ac minæræ complures in hoc sunt regno. Montes ac syluæ præcipuæ sunt, Carpathus qui propagatur per comitatus Turoensem, Arnensem, Liptouensem, Cappusiensem, Gevvineriemsem ac Sariensem. Matran mons vinetis prope Agriam confitus; Erdel amplissimus in conuallibus Transyluaniensibus latè excurrit: Bakon in comitatu Vesperinensi; Verthes Hungaricè Baton quem à clypeis den Schildsberg dicunt Germani; quod Henricum I I. Imperatorem isthic castrametatum referunt contra Belam Hungariæ Regem, fameque pressum relictis scutis castra deseruisse: hunc vitiferi sequuntur montes ad 3. Ecclesias. Inferior hæc Pannonia à Septentrione terminatur Sarmatis seu Polonis, Moschisque, ab Occasu Austriam Bohemiamque finitimas habet, ad Meridiem Sauo flu. finitur & Illyrici parte quæ Adriatico pelago obuersa est, ad Orientem Solem, Seruiam quam Triballi, Moesij, Bulgari & Rasciani tenuerunt, nunc à quibusdam Sagariam vocatam: eadem etiam parte V Valachiam habet.



## HUNGARIA.

**H**unc tractum primū Pæones seu Pannonēs tenuere, in de Hunni habuerē gens Scythica. Mox Gothi ex insulis Germanici Oceani profecti, post Gothos Longobardi ex Scandinauia, etiam Germanici Oceani insula; nouissimè rursum Huni, qui & Iuhri & Hungari postmodū dicti sunt, ex alia Hungaria Scythica egressi, non longè à Tanais flu. ortu. Anares ijdē nonnullis dicuntur, qui eam regionem obtinuerunt. hos Carolus Magnus octennali bello edomuit, prorsusque excidit, vna tantum horum natione, cui Vgrorum & Hungarorū nomen est (nam multos secum è Scythia eduxerant populos Hunni) illis extinctis sum mota, ac vallo quodam inclusa, Sunt Hungari ferox hominum genus, & bello validū, equestri prælio magis quàm pedestri idoneum. Nulla gens Christiani nominis Turcarum arma magis exercuit: nulla ab his magis exercita est, adeo paribus animis, varioque euentu est semper vtrinque bellatum. Volaterranus ait, incultos ac procul à delicijs, hyeme vt reliquos Aquilonares in pyriterijs pellitos agere, potui ciboque plus iulto vacantes. Idque imprimis mirandum, cum merum aromataque præter cæteros mortales frequentent, iuuentutē tamen esse castam & absque scortis agere: hominū interficere leui de causa promptum habent, idq; impunè licet. Latius etiam huius gentis imperium patuit, quàm terræ nomen olim: vnde plures ei prouinciæ annumerari cæpere. Cum enim ab Leyta flu. ad Sauum vsque quicquid est interiecti agri complexa sit, nunc inter Septentrionem & Ortum etiam vltra Danubiū pedem intulit, magnamque sibi Iazygum, Metanastarum, quos vulgò Transyluanos ac Septem castrenses nuncupant, partem vendicat, ac in Ortum Scythiam versus non parum protenditur: ac Myliam, Daciā, Flacciam seu V Valachiam & complures alias prouincias ad se arripuit, partimque ijs suū nomen communicauit. Buda caput est regni huius & Basilica. iuxta hanc & Strigonium quæ Aroniscorum sedes fuere. Multæ præterea in hoc Regno vrbes sunt nobilissimæ: Alba regalis ad Sarroitzam flu. Regum coronatione & sepultura celebris, vulgò Stuhlweissenburg. Stridon quoque in ea sita est, diu Hieronymi patria: hinc Quinque ecclesiæ (Fünffkirchen Germanicè) Sopronium, Laurinum & pleræq; aliæ Schlaunia trans Drauū flu. Hungariæ finitima est, & eius tanquam portio quædam. Vltior Hungaria terrā complectitur quam Gepidæ & Daci tenuerunt. à Sylefia, Morauia & Polonia montibus Carpathijs separatur. à Ruthenia, Transyluania & V Valachia transalpina separatur Maromarusijs montibus & syluis. in ea sitæ sunt vrbes Posamiensis, Tornensis, Tirnauiensis (Tirnauia aut patria est doctiss. viri Ioan Sambucij) Colociensis, Zegedinensis, Varadinensis, ac pleræque alię. Incolæ ferè oēs Scythica vtuntur lingua. Erat hæc tria, vt prisca rerum scriptores habent, nouem circulis circumdata, quorum singuli ita stipitibus quernis, siue fagineis, vel abiegnis extructi erant, vt de margine ad marginem viginti pedum spatium tenderetur in latum, totidem erigeretur in altum, ciuitas autem vniuersa aut purissimis lapidibus, aut tenacissima cretā repletur. porro superficies vallorū eorundem integerrimis cespitibus tegetur, inter quorum cōfinia arbusculæ plantatæ erant, quæ abscissæ proiectæq; vt plurimum herbas ac frondes proferebant. De primo autem circulo ad secundum viginti milliaria Teutonica protendebantur, & inde totidem ad tertium, & ita vsque ad nonum, quamuis alius alio semper contraxior erat, intra hos aggeres vici villæq; ita cōstitutæ, vt ab vna ad aliam vox hominis audiretur. ædificia validissimis muris præmunita, portæ non satis latæ, propter hanc causam, vt per eas latrocinandi gratia quaqua versum exire ingrediq; facile possent.